



蘇文忠公集卷第一百一

內制詔勅表 本國書附

賜門下侍郎孫固生日禮物詔

勅孫固卿圖任之舊搢紳所推難老之祥神人攸相
載更良日益永壽祺申以寵章式隆眷遇云云

賜知樞密院事安燾生日禮物詔

勅安燾桑弧告慶降招輔於茲辰綵服拜嘉冠祭名
於當代祗服朕命益壽乃親云云

賜尚書左丞劉摯生日禮物詔

勅劉摯律協應鍾辰集析木實生俊輔休有令名膺

我寵章以介眉壽云云

賜太師文彥博生日禮物詔

勅彥博陽月載臨剛辰協吉篤生元老弼亮四朝允為廊廟之華豈獨閨門之慶往膺寵數永錫壽祺云云

賜同知樞密院事范純仁生日詔

勅純仁卿以天資文武世濟勲勞載嘉誕日之臨豈獨私門之喜宜膺慶賜以介壽祺云云

賜中大夫守尚書右丞王存生日詔

勅王存卿以宏才與聞大政誕日之慶豈惟閨庭寵錫之隆庶延遐壽云云

賜金紫光祿大夫呂公著生日詔

勅公著卿將相三世輔翼兩朝方斯干獻夢之辰有既醉太平之福宜膺慶賚永錫壽康云云

賜宰相呂公著生日詔

勅公著卿三世將相四朝耆老賚我良弼實惟茲辰茂膺維嶽之靈永錫如陵之壽宜頒寵數以示眷懷云云

賜宰相呂大防生日詔

勅大防股肱之良與國為重家庭之慶亦朕所同適斯干獻夢之辰均既醉太平之福膺予寵錫介爾壽

祺云云

賜宰相范純仁生日詔

勅純仁卿河岳之靈神明所相載更誕日永介壽祺
體我眷懷受茲寵錫云云

賜宰相呂公著乞罷免相位不允詔

勅公著宰相之責綏靖四方老入既停士氣益振長
轡遠馭方資老謀卿不强起孰卒吾事近以二老之
故削亟拜之禮而彥博執謙不回朕既從其請矣卿
起就位復何疑哉云云

賜宗晟上表乞還職事不許詔

勅宗晟覽所上表所生之且已踰老年宜還職事以
投閑庶盡色難以終養伏乞特降睿旨俾從素願事
具悉書云孝乎惟孝友于兄弟施於有政是亦為政
卿以膝下之養為宗人之法古之為政孰大於此而
欲以親辭職耶其益脩厥官以稱吾意云云

賜魯布乞除閑慢州郡不允詔

勅魯布將不久任難以責成謀不素定難以應卒卿
屢試劇郡所臨有聲而况二年于茲諸將所服事既
即敘人誰易卿夫持虛攻瑕兵家常勢知難避整夷
狄亦然卿若有以待之彼將望而去矣勉卒乃事毋

忘朕言云云

賜傅堯俞乞外任不允詔

勅堯俞卿望重本朝進由公議方卿大夫有為之際亦士君子難得之時而卿出領郡章入佐治典席未煖而輒去政何時而報成小疾行瘳姑安厥位云云

賜李常乞除沿邊一州不允詔

勅李常在泮獻馘亦儒者之常挺劔疾門蓋孔門之事雖然義有輕重理有後先與其自請捍邊已癘疥之疾曷若盡瘁事國幹心督之憂苟推是心何往非報雖願受長纓而往者卿之本心然自以尺箠而鞭

之吾有餘力尚體此意姑安厥官

云云

賜蔡延慶乞知應天不允詔

勅延慶入侍禁近出殿藩服已試之効藹然有聲今若予工宜有餘力夫游刃肯一祭尚不辭難退食委蛇豈當告病膚理微疾行當自痊勉安厥官以稱朕意云云

賜王安禮乞知陳穎等一郡不允詔

勅安禮朕惟西蜀地狹而賦重人懦而吏肆征役新定農民在官馭而無方將不勝弊惟朕左右信臣明而不苛寬而有斷必能肅遏慢吏扶養小弱卿雖微

疾強為朕行時近藥石勉事道路稱朕意焉云云

賜趙瞻陳乞便郡不允詔

勅趙瞻朕褒顯耆舊取其宿望養育俊又待其成材庶前後相繼朝不乏人則堂陛自隆國有所恃方今在廷之士孰非華髮之良而卿以康強之年為遠引之計於義未可蓋難曲從云云

賜范百祿乞外任不允詔

勅百祿成王命君陳商民在辟予曰辟爾惟勿辟予曰宥爾惟勿宥惟厥中古之有司與天子相可否蓋如此而况公卿之間議有異同而不盡其說哉例在

中書與在有司固宜審歸于至當而卿遽欲以此

去位非古之道也其益脩厥官以稱朕意云云

賜呂公孺乞改授官觀小郡差遣不允詔

勅公孺朕顧懷西方思得賢守使邊有備而民無擾以卿耆老練達德宇淵靜泰又舊治吏士服習臥護諸將無以易卿所請宜不允

賜韓忠彥乞改一偏州不允詔

勅忠彥朕嘗覽閱古之圖觀宗臣之文俯仰今昔有槩於心會中山關守差擇補良卿庶幾焉勉副朕意何以辭為云云

賜王存乞知陳州不允詔

勅王存出入四朝更涉夷嶮金石之節終始惟一六卿之長所以倡九牧而厚風俗也豈以職事煩簡為輕重哉君子出處朝廷之大事而風雨寒暑庸理之微疾也姑安厥位以稱朕意云云

賜傅堯俞乞外郡不允詔

勅堯俞負中外之望居言責之地朕方虛已樂聞嘉猷乃者水旱連歲民流未止賊盜恃熾財力靡弊卿既欲圖實効以酬恩朕亦將考所言以責實偃息藩郡豈所望哉云云

賜文彥博乞致仕不許詔

勅彥博論道則忘年卿不可以年既高而為請稱德則鄙力卿不可以力不足而為辭斷之於中義有不易豈以屢請之故而廢將成之功體吾至懷以慰公議云云

賜韓絳乞致仕不許詔

勅韓絳元老在位邦之榮華徒以精神折衝非以筋力為禮游神道館擁節家庭於卿圖告老之安而國有貪賢之羨勉自輔養期於少留云云

賜韓絳乞致仕不許詔六首

勅韓絳四世元老國之長城端笏垂紳不動聲氣風采所及自然折衝軒冕丘園其實何異矧今艱難之際日有冰淵之虞黃髮在拜未敢言病豈宜獨善遽欲即安尚分北顧之憂勿起退歸之念強食自輔體我至懷云云

勅韓絳功成身退人臣之常壽考康強有不得謝卿出入將相垂三十年豈以小郡尚勤元老徒得君重卧護一方使吏民瞻師尹之儀刑蠻夷識漢相之風采丘園之請朕未欲聞其省思慮以時寢興親近藥餌以副中外之望云云

勅韓絳為國無強於得人用人莫先於求舊雖以挂冠而謝事尚俾安車而造朝豈有體力未衰藩宣所寄亟圖自便遂欲言歸矧卿德望並隆神人所相焉有滿盈之懼夫何倚伏之虞尚體至懷少安厥位云云勅韓絳朕以眇躬求助諸老皆以艱難之際不諱中外之勞胡為累章確守歸意豈朕不善西伯之養而無人子思之側乎三復喟然未喻厥指朕意不易卿其少安云云

勅韓絳功成身退人臣之常禮至於非常之遇則必有無窮之報朕待卿於形器之表而卿自處於繩墨之

內未為得也朕志不易卿無復辭云云

勅韓絳君臣之義憂樂同之苟皆懷歸誰任其事卿之高識雅度輕軒冕而樂丘園天下所共知也獨不念先帝託付之重乎勉徇大義勿復以言云云

賜安燾乞退不允詔

勅安燾才當其位義不辭勞內之樞機之謀外之疆場之議既當身任其責難以家事為辭而况並奉君親兩全忠孝進無不得退以何名卿之所求固非矯激朕之不許亦豈空文亟還厥官無煩朕命云云

賜正議大夫孫固乞致仕不許詔四首

勅孫固視國如家忠臣可以忘老視民如子君子可以忘勞卿被遇三朝出入二府德望並隆中外所服敬越之祠館付以留籥使士有矜式民有依怙屬任之意豈輕也哉釋位謀安引年求避此踈遠小臣之事非所望於卿也上體至意勿亟懷歸云云

勅孫固卿英祖所擢以遺神考乃眷舊學用之西樞朕即位二年未見君子每惟圖任舊人之意常有越在外服之歎矧欲辭位而去遂安丘園哉三川重鎮務舉大體簿書期會則有司存優游卒歲可以忘老云云

勅孫固廊廟之舊歷事三朝名德並隆如卿者有幾
無故經位人其謂朝廷何卿既自為謀亦為乃后謀
之勉遵前詔以慰中外之望云云

勅孫固朕永懷三宗追用其人所以尊禮慰籍其意
者自以為無失矣而卿浩然懷歸若不可復留何哉勉
徇大義毋違朕志云云

賜文彥博乞致仕不允詔

勅彥博卿自去歲以來數苦小疾尚能勉留以輔不逮
近者神明所相體力自康視聽不衰步趨加健乃欲
求去耶今禦戎之策未有定議京東西河朔藉飢

私枵然力與二三臣圖之卿未可以即安也云云

賜皇伯祖宗晟辭免恩命起復允終喪制詔

勅宗晟朕寤寐雋賢爰和中外眷言釋位之久實有
乏才之憂而三年未終五詔不起與其貪明擔之義
以緝熙庶工不若執孝弟之純以風勵宗子俛從誠
守良極歎咨云云

勅宗晟夫衰麻之哀達於上下損益之變權以重輕
雖事君均於事親而奪志難於奪帥俛聽終喪之守
以成致孝之全言念篤誠實增屢歎云云

賜范鎮獎諭詔

勅范鎮朕惟春秋之後禮樂先亡秦漢以來詔武僅
在散樂工於河海之上往而不還聘先生於齊魯之
間有莫能致魏晉以下曹鄴無譏豈徒鄭衛之音已
雜華夏之器間有作者猶存典刑然銖黍之一差或
宮商之易位惟我四朝之老獨知五降之非審聲知
音以律生尺覽詩書之來上閱荀虞之在廷君臣同
觀父老太息方詔學士大夫論其法工師有司考其
聲上追先帝移風易俗之心下慰老臣愛君憂國
之志究觀所作嘉歎不忘云云

賜濟陽郡王曹侑在假持與寬假將理詔

勅曹侑賢戚莫二德齒並隆眷言朝請之勤思見儀
刑之老謝病既久軫念良深推予賜告之恩期於勿
藥之喜

賜馮京乞依職任官例祗赴六參不允詔

勅馮京朕以卿耆老厚德重煩以庶事而卿篤恭盡
禮自同於有司既朝朔望尚復勤請雖抑抑自微知
卿有衛武之風而僕僕亟拜非朕待子思之意宜遵
前命以副眷懷云云

賜韓絳赴關詔

勅韓絳擢自祖宗輔翼先帝德望之重天下聳聞與

其置之一方勞以民事不若歸安闕下式瞻儀刑請
老閑居固非所望嘉猷入告夫豈不能遲卿言還及
此初夏云云

賜范鎮赴闕詔

勅范鎮夫有德君子以精神折衝辟之麟鳳能服猛
鷲朕虛懷前席以致諸老非敢必以事諉也苟得黃
髮之叟皤然在位則朝廷尊嚴姦宄消伏卿雖篤老
乃心王室母憚數舍之勞以副中外之望云云

賜皇伯祖宗晟辭免起復不許詔六首

勅宗晟夫要經服事出於孔門墨衰從政見於魯史

永惟徇國忘家之義非有食稻衣錦之嫌若非使卿
居之而安則吾豈敢強所不欲勉從前詔往服厥官

賜皇伯祖宗晟辭免起復恩命不允詔元祐二年三月三日

勅宗晟卿德爵與齒皆天下達尊服屬之隆為宗室
祭酒任獨高於三世報宜異於常人故奪情非以私
卿而服事所以徇國義無所愧何以辭為

賜皇伯祖宗晟辭免起復恩命不許詔元祐三年二月

勅宗晟卿哀迫之至言不及文覽之惻然欲從所
宗子之衆才性各殊位不期驕祿不期侈非卿允
信力行禮義以身先之蓋未易發也少屈尔私

志不亦可乎

賜皇伯祖宗晟辭免起復恩命不允詔

敕宗晟卿以強起就位為未便安而朕以徇私忠公為未盡美書云孝乎惟孝友于兄弟施於有政是亦為政夫聖人以孝弟為從政而卿以從政為孝弟非所聞也勉從朕命勿復固辭

賜皇伯祖宗晟辭免起復恩命不允詔

元祐三年二月二十二日

敕宗晟君子之於禮雖先王未之有可以義起而况漢唐之舊故事具存如翟方進房喬之流皆以儒術致身不免於釋哀而謀國近歲夏竦晁宗慤亦以近

臣奪喪君子不以為過今宗正之事止於治親譬猶父兄訓敕子弟豈以衰麻之故而廢閨門之政乎卿其勿疑亟服乃事

除皇伯祖宗晟特起復制

元祐三年十一月一日

門下曾閱之哀喪不貳事漢唐之舊禮有奪情矧予藩屏之親實兼臣子之重雖閨以恩掩義而公侯以國為家伯臣司宗職不可曠要經服事古有成言非予爾私其聽朕命皇伯祖彰化軍節度涇州管內觀察處置等使檢校司空開府儀同三司持節涇州諸軍事涇州刺史判大宗正事上柱國高密郡王食邑七千八百戶

食實封二千四百戶宗晟天資純茂德履方嚴龍襲餘慶於祖宗蹈格言於師保典司屬籍克有令名郢客卒業於浮丘辟彊受知於先帝允釐厥位無愧昔人屬此閔凶纍然毀瘠嗟日月之逾邁重職業之久虛宜復寵名式從權制於戲出居官次非王事不談退適倚廬讀喪祭之禮則忠孝兩得人無間言功名益隆親有顯譽勉服朕訓光照前聞

太皇太后賜門下手詔

元祐二年閏二月十四日

敕門下官冗之患所從來尚矣流弊之極實萃于今以闕計員至相倍蓰上有久間失職之吏則下有受害無告之民故命大臣考求其本苟非裁損流之

數無以澄清取士之源吾今自以眇身率先天下永惟臨御之始嘗勅有司蔭補私親舊無定限自惟薄德敢配前人已詔家庭之恩止從母后之比今當又損以示必行夫以先帝碩託之深天下責望之重苟有利於社稷吾無愛於髮膚矧此恩私實同毫末忠義之士當識此誠各忘內顧之心共成節約之制今後每遇聖節大禮生辰合得親屬恩澤並四分減一皇太后皇太妃準此云云

賜文彥博乞致仕不允詔

勅彥博卿歷相三宗名聞四夷位極一品書考四十

自載籍以來未之聞也固當以國為家以天下為身以安社稷為悅而不當以居丘園為樂也朕方待卿而為政請老之言所未欲聞云云

賜呂公孺乞致仕不允詔二首

勅公孺朕鷄鳴而起志於求助鮐背之老未敢即安矧卿體力不衰髮齒猶壯遠有引年之請殊乖圖薦之心宜安厥官以稱朕意云云

勅公孺卿將相三世凜乎正始之風出入四朝蔚然難老之狀浩穰之治談笑而成方觀報政之能遽有歸休之請公議未可卿其少安云云

賜蘇頌乞致仕不許詔四首

勅蘇頌吾聞有志之士以身殉道而遺名有道之君使人樂用而忘老今卿不安其位豈吾有愧於古哉夫難進之士年僅及而輒退則已試之才吾莫得而盡用矣激揚多士方資崔毛之德講誦舊聞未卒褚馬之業事非少補卿其少安云云

勅蘇頌歷事四朝允有一德徒論徐公之奢儉莫見子文之愠喜朕既寤寐招士體貌元臣方貴德齒之達尊豈求筋力之常禮矧卿方膺難老之錫宜勵益壯之心惜日有為古人所重引年求去公議未安勉

為朕留以慰人望云云

勅蘇頌夫天以多士寧三國而祖宗以成德遺後人

方使康強以究其用而朕乃以引年而聽其去可乎

卿銓綜之精談笑而辦勉思職事以稱朕心云云

勅蘇頌天官之任老成所宜坐執銓衡有山公晚年

之故事簿書煩雜獨蕭俛一時之偏詞卿其總攬綱

條闊略苛細委蛇退食以慰士心云云

賜文彥博呂公著自今後入朝凡有拜禮宜

並特與免詔

勅彥博朕聞几杖以優賢著之典禮者老無下拜書

於春秋魏太傅鍾繇以足疾乘車就坐自爾三公有

疾以為故事而唐司徒馬燧亦以老病自力對於延

英詔使毋拜今吾耆老大臣四朝之舊德隆而望重

任大而交深者惟卿與公著而已呂公著詔即破云

方資其有龜之告宣責以筋力之禮今後入朝凡有

拜禮宜並特免卿其專有為之報略無益之儀毋或

曰辭以繼朕意云云

賜河西軍節度使西蕃邊川首領阿里骨進

奉詔

勅阿里骨惟爾祖先世篤忠孝本與夏賊日尋干戈

亦惟恃我朝廷爵秩之隆用能保爾子孫黎民之衆
肆朕命爾嗣長乃師而自承嚴以來強酋外擅爾弗
能禁恣其所為遂據洮城以犯王畧陰連夏賊約日
盜邊朕愍屬羌之無辜出偏師而問罪无惡俘獲餘
黨散之山後底平河南綏服朕惟率首豪而捍疆場
乃爾世功叛君父而從仇讎豈其本意庶能改過未
忍加兵果因物以貢誠願洗心而効順爾既知悔朕
復何求已指揮熙河路更不出兵及除已招納到部
族外住罷拓納依舊許般次往來買賣及上京進奉
爾宜約束種類共保邊陲期寵祿於有終知大恩之
不再勿使來款復為虛言

賜故夏國主嗣子乾順進奉謝恩馬駝回詔
詔故夏國主嗣子乾順臨吊之重以寵世臣思報之
深復承來介載闕充庭之實備形述職之心乃眷忠
勤不忘嘉歎云云
詔故夏國主嗣子乾順向遣行人往賻襄事繼陳方
物來奉謝章惟忠可以附民惟禮可以定國勉終誠
節以副眷懷云云

賜阿里骨加一恩制詔

勅阿里骨朕消選靈辰奉承宗祀肆均介福徧暨多

方卿世撫侯封夙虔朝命特加寵渥用獎忠嘉云云

太皇太后賜故夏國主嗣子乾順詔

詔故夏國主嗣子乾順念爾守邦藐然在疚日月逾邁祖葬有時緬懷孝愛之深想極攀號之戚往助襄事式昭異恩

皇帝賜夏國嗣子進奉賀正馬馳回詔

詔故夏國主嗣子乾順遠奉王正來歸時事惟此充庭之實率皆任土之宜乃眷忠勤良深嘉歎云云

太皇太后賜回詔

詔故夏國主嗣子乾順述職春朝歸誠宰旅修此勅

牽之視致其乘服之良再閱來章式嘉忠節

永裕陵十二月旦表本

伏以商正紀曆大呂旋宮論時令以待來歲之宜獻民力以共宗廟之祀恭惟謚號皇帝至仁無外全德難名文物聲明但覩乘時之迹昆蟲草木孰知成歲之功急景易遷永懷何極

永裕陵正月旦表本

伏以賓出日於暘谷克歷方頒朝計吏於原陵漢儀具舉恭惟謚號皇帝功恢禹迹德邁湯仁雖歲月之屢遷想威神而如在載瞻園寢空極望思

永裕陵二月旦表本

伏以時方啓蟄禮及獻羔感清衍之協風林懷思於
濡露恭惟謚號皇帝文武緯世聖靈在天岱嶽泥金
未講升中之禮荆山鑄鼎遽成脫屣之游永望寢園
徒增感慕

永裕陵四月旦表本

伏以日躔昴畢卦直乾離物蒙長養之仁世載文明
之化恭惟謚號皇帝功成不宰德範無窮執炎帝
之衡莫追往躅秩南郊之政空守成規祇望寢園惟
增感慕

永裕陵十月旦表本

伏以戒寒瑾戶倏及於秦正前晦行陵祇楮於漢禮
恭惟謚號皇帝懿文緯世厚德載時休老勞農追述
養民之政厲兵講武敢忘經國之謀永望寢園益增
感慕

永裕陵十二月旦表本

伏以商正紀歷大呂旋宮論時令以待來歲之宜獻
民力以共宗廟之祀恭惟謚號皇帝至仁無外全德
難名文物聲明但覩乘時之迹昆虫草木孰知成歲
之功急景易遷永懷何極

太皇太后消災集福罷散天皇九曜道場朱表
臣言仁者必壽信惟天地之心孝無不通宜從臣子
之欲虔遵道範仰扣真筵庶同海宇之誠上集 慈
闈之福天威咫尺求聰明於我民聖壽萬年定子孫
于下地更推博施普及函生

皇帝為冬節奏告永裕陵

神宗皇帝表本

伏以曆紀天正史書日至感舒長於測景增怵惕
於履霜恭惟 謚號皇帝德邁堯仁功恢禹迹
游衣冠於原廟徒仰威神望松栢於橋山永

懷悲慕

皇太后殿夫人為冬節往永裕陵酌獻 神

宗皇帝表本

臣妾言伏以一陽來復萬物懷生空臨觀禋之辰無
復稱觴之慶共惟 謚號皇帝道齊覆載德冒華夷
從南狩於蒼梧神游已邈望西陵於銅雀涕慕空深

皇帝為正月一日奏告永裕陵 神宗表本

伏以始饒餘寒復興嗣歲望寢園而增慕悼日月之
不畱共惟 謚號皇帝道貫百王澤涵萬宇永瞻帝
所之樂坐起堯墻之悲饋奠莫由馳誠罔極

皇太后殿夫人為年節往永裕陵酌獻 神

宗表本

伏以葦挑在戶徒講三朝之儀椒栢稱觴無復萬年
之壽共惟 謚號皇帝功施無外德洽有生隨鼓漏
於寢園莫親饋奠望衣冠於原廟空極涕流

皇帝為三月一日奏告 神宗皇帝旦表本

伏以既成春服時方禊洛之初愆謁寢園古有薦鮪
之禮共惟 謚號皇帝配天立極如日載陽仰陰
餘澤之旁流致羣生之遂茂光靈逾遠涕慕空深

皇帝為 神宗大祥往永裕陵奏告表本

伏以寢園告成永動廓然之感栢城森列遽興拱矣
之悲共惟 謚號皇帝澤浸函生慶垂後裔配天無
極奉謨訓以常存示民有終悵神游之安在恭修祥
奠莫訴哀誠

皇帝為 神宗大祥內中奏告表本

伏以追號罔極實抱終身之憂祥禫有期蓋迫先王
之禮共惟 謚號皇帝睿明照世神智自天雖清廟
肅雍瞻之莫見而威顏咫尺凜然常存悲慕之深華
夷所共

皇太后殿夫人為 神宗大祥往永裕陵酌

獻表本

伏以鸞馭上賓日以遠矣隙駒過邁祥而廓然恭惟
謚號皇帝道始家邦光刑華夏天地之運固代謝於
陰陽草木何知徒興悲於霜露莫親饋奠但切追思
神宗皇帝忌辰朝永裕上表本

伏以百年之思化被於無疆終身之憂感深於不樂
恭惟謚號皇帝德齊堯禹功陋漢唐道蓋始於正
家謀方貽於燕翼追攀罔極慨慕徒深

永安等陵忌辰奏告 宣祖諸帝表本

伏以十年之永恩決於華夷諱日之臨感深於臣子

恭惟謚號皇帝文武經世威靈在天每更不樂之
辰尚有遺弓之慕山陵永望雨露增懷

永安等陵忌辰奏告 昭憲等皇后表本

伏以周南之化刑恭儉於多方渭北之游極望思於
原廟恭惟謚號皇后道應圖史德參聖神碩明發
之永懷仰徽音之如在載瞻園寢想見衣冠

皇帝達 太皇太后賀大遼正旦書

正月一日云云肇且勿歲元發新榮於萬物仰遵慈誨
修舊好於兩朝遠飭使軺肅將禮幣庶迎壽祉式副
願言今差某官充 太皇太后正旦國信使副有少

禮物具諸別幅專奉書陳賀

皇帝書

三月一日云云 鬱山歲發春共講三朝之慶寶鄰繼好
茂膺五福之祥申飭使車往陳信幣永言欣頌曷罄
諭陳云云

皇帝達 太皇太后回大遼賀正旦書

正月一日云云 百年之好既講於春朝萬壽之儀兼
陳於幄殿恭因省侍具述來音感懌之懷言宣莫罄
云云

皇帝回書

正月一日云云 東風協應感祖歲之更新遠使交馳
導歡言而如舊察然禮幣申以書詞欣懌之深敷陳
罔究云云

皇帝達 太皇太后回大遼賀坤成節書

七月日云云 嘉月令辰篤生壽母珎函重幣交慶寶
鄰已恭致於德音復欽傳於慈旨其為感懌未易名
言云云

皇帝回問候書

七月日云云 四牡載馳遠動於使介尺書為問申講
於鄰歡方復素秋克膺純福益祈保護式副頌言云云

皇帝達 太皇太后賀大遼皇帝生辰書

十二月日云云寒律既周誕辰載紀恭被慈闈之誨

俾修慶幣之儀永介壽康式符頌禱更祈調衛以副

頤言云云

皇帝賀大遼皇帝生辰書

十二月日云云大呂還宮攝提正丑載協誕弥之慶

永膺壽考之祥臨遣使軺往陳信幣其為欣禱莫盡

名言云云

皇帝達 太皇太后賀大遼皇帝正旦書

正月一日云云歲律肇新鄰歡載講恭被慈闈之誨

遠通慶幣之誠益壯與保願永綏壽嘏云云

皇帝賀大遼皇帝正旦書

正月一日云云三陽以朋來慶二儀之交泰兩朝繼好

納萬民於阜昌申飭使車肅將禮幣頤符善禱永介

純釐云云

皇帝達 太皇太后回大遼皇帝問候書

十二月一日云云嘉平紀月震夙惟時屬茲慶使之

來重以慈闈之問益因省侍悉致誠言欣感之深敷

陳罔究云云

皇帝回大遼皇帝賀興龍節書

十二月日云云世睦賢鄰申以無窮之好歲馳華使
及茲載夙之辰閱詞幣之兼隆識情文之備至願言
欣感難悉究陳云云

皇帝達 太皇太后回大遼皇帝賀坤感節
書

七月日云云星火西流慶慈闈之誕日皇華北至講
鄰國之誠言既達來者百俾修報禮感銘之素敷述難
周

皇帝回大遼問候書

七月日云云輶車信幣已修交慶之儀尺素好音復

講久要之信屬臨素節允迪純禧益冀保頤式符企
詠云云

皇帝回大遼賀正旦書

正月日云云獻歲發春方祝永年之慶睦鄰敦好益
修奕世之歡信幣精華書詞溫綉再惟雅契良極欣
悰云云

皇帝達 太皇太后回大遼賀正旦書

四月日云云正歲履端遠勤於華使慈闈申慶重領
於珎函省侍之餘誠言已達永惟欣感莫究言宣云云
皇帝回大遼賀興龍節書

十一月日... 誕日載臨鄰歡歲講封疆雖遠畧刺
不踰惟信睦之交脩識情文之兩至益深雅好良極
欣悰云云

續添

賜尚書左丞李清臣生日詔

勅清臣春之力中月復幾望篤生王國之彥蔚為廊
廟之華神既聽於靖恭民亦宜於愷悌膺我慶賜永
綏壽祺

賜集禧觀使鎮江軍節度使開府儀同三司
韓絳乞致仕不允詔

勅韓絳向以宏才臥護北道凡斯民之利病蓋一方
之安危朕方虛懷以待元老冀疾病之有間得雍容
而造朝時聞嘉言以輔不逮告老之請殊非朕心

賜太師文彥博乞致仕不允詔

勅彥博卿求退之意著於士民執謙之心信於天地
勉當委重之託初無懷祿之嫌大義苟安細故可略
朕命不再卿其少安

賜新除中大夫守尚書右丞胡宗愈辭免恩
命不允詔

勅宗愈朕之用卿蓋聽其言考其行事參之公議而

斷自朕心可謂審矣而卿固辭不已朕甚惑之夫小人以位為寵求之而不可得君子以寵為憂推之而莫能去自古以然卿何疑哉

賜河東節度使太師開府儀同三司太原尹致仕文彥博溫谿心馬詔

勅彥博惟我宗臣名震夷落狼心獸舌知獻厥誠朕以張奐拒羌之獻不如旅獒昭德之致已勅邊吏各賜所直其馬今以賜卿至可領也

賜外任臣僚曆日勅詔書

勅朕肇修人紀祇畏天明欽若舊章式頒新曆凡我

承流之寄共成平秩之功

賜外任臣僚進賀太皇太后受用馬詔勅

勅禮以正名國之舊典載闕充庭之實式將戴后之心乃眷忠勤良深嘉歎

勅賜外任臣僚進賀皇太后皇太妃受用馬詔

勅典用告成宮闈之慶事君盡禮因物見誠乃眷忠勤不忘嘉歎

賜外任臣僚進奉謝恩馬詔勅

勅銜恩思報因物致誠効茲乘服之良示有驅馳之

志永言忠蓋良極歎咨

賜外任臣僚進奉興龍節功德疏詔勅

勅誕彌之慶中外所同畢輸衛上之誠來獻後天之
祝永言忠蓋良極歎嘉

賜外任臣僚曆日詔勅書

勅韓絳朕申命日官逆推嗣歲眷予共理頒此成書
勉劭農功毋違時令

賜外任臣僚進奉興龍節馬詔勅書

勅誕彌之慶遠邇攸同眷惟外服之良來効右牽之
禮言念誠恪不忘歎嘉

勅忠於衛上遠不忘君爰因彌月之辰來效充庭之
禮眷言勤篤良極歎嘉

賜外任臣僚等進奉坤成節功德疏詔勅書

勅馮京職雖在外忠不忘君集勝妙之良因致壽康
之善禱眷言誠蓋良極歎嘉

賜新除依前交趾郡王李乾德加恩制誥勅
書

勅乾德朕躬執珪幣大饗帝親盼布湛恩徧暨諸夏
卿世綏侯服欽順朝廷宜錫徽章以昭異數

賜侍衛親軍馬軍都虞候劉昌祚進奉賀明

堂禮畢馬勅書

勅劉昌祚大祀告成多方同慶汝以分符之重特修
效馬之儀載念勤誠不忘嘉歎

賜溪洞蠻人彭允宗等進奉端午布勅書

勅彭允宗等汝族居裔壤心慕華風來修任土之儀
遠効充庭之實載惟勤悃良用歎嘉

賜外任臣僚進奉坤成節銀勅書

勅汝承流外服雅意本朝爰因載誕之辰遠致同寅
之禮眷惟忠藎良極歎嘉

賜權陝府西路轉運判官孫路銀絹獎諭勅

書

勅孫路宣力計臺悉心遷政相視衿要繕完保鄣迄
用有成不愆于素使虜無可乘之便民有足恃之安
乃眷忠勤不忘嘉歎

賜知蘭州王文郁銀絹獎諭勅書

勅王文郁汝以禦侮之才當專城之寄百堵皆作三
月而成非威服民夷身先士卒則安能以一時之役
成無窮之利達于朕聽良用歎嘉

賜新除依前靜海軍節度使進封南平王李

乾德制誥勅書

勅朕子養兆姓囊括四荒辟之於天豈吝膏澤卿守
藩滋久事上益虔高爵隆名極其榮顯庶緣天寵以
服民心其思盡忠以稱恩禮

賜諸路知州職司等并總管鈐轄至使臣初
冬衣襖勅書

勅王事靡盬日月其除屬霜雪路之戒寒待衣裘而卒
歲宜加寵賜以示眷懷

賜諸路蕃官并溪洞蠻人初冬衣襖勅書

勅職在捍邊志常面內屬此屬疑之候宜均輕暖之
恩服我寵頒益思忠報

賜諸路屯駐泊就糧本城諸員僚等初冬
衣襖都勅

勅久勤外服屬戒祁寒爰念捍城之勞普均挾纊之
惠

賜西南羅蕃進奉勅書

勅汝世為要服時款塞垣志慕華風來修職貢載惟
忠恪良用歎咨

賜朝奉郎通判梓州趙君奭進奉坤成節無
量壽佛勅書

勅趙君奭相好妙嚴哀誠傾盡汝期乃后享無量之

年吾欲斯民同極樂之世永言忠愛良用歎咨

沿路賜奉安神宗皇帝御容押班馮宗道并
內臣等銀合茶藥勅書

勅馮宗道達事有年追遠不懈屬祠宮之告具驂日
馭以遄征往復之間忠勞亦至特加存問尚體至懷
賜南平王李乾德曆日勅書

勅乾德眷彼海隅被予聲教宜有王正之賜以為農
事之祥勤恤遠民以開嗣歲

賜五臺山十寺僧正省竒等進奉興龍節功
德疏等進論勅書

勅省竒等清涼之域僊聖所游爰因彌月之辰來獻
後天之祝永言勤至良極歎咨

賜外任臣僚進奉興龍節馬勅書

勅劉永年汝職在蕃宣義均休戚旅庭稱慶因物見
誠乃眷忠勤不忘嘉歎

賜于闐國黑汗王進奉賀登位勅書

勅卿守藩西極慕義中華遠聞踐阼之新來致梯山
之貢眷言忠恪良用歎咨

賜于闐國黑汗王進奉示諭勅書

勅卿遠馳信使來效貢琛載詳重譯之言深亮勤王

之意益隆褒賜以荅忠誠

賜漢洞彭儒武等進奉興龍節溪布勅書

勅彭元宗汝世能保境志在觀光遠修任土之宜來備充庭之實載惟忠恪良極歎嘉

賜保州團練使潞州總管王寶進奉總關并到任馬勅書

勅王寶汝以選掄出分憂寄來効充庭之駿以將衛上之誠再省忠勤良深嘉歎

賜知乾寧軍內殿承制張赴獎諭勅書

勅張赴橫流之災所在蒙害惟吏得其人則公私賴

之使者列上有司不以時聞歲月既遠予猶汝嘉故茲獎諭想宜知悉

賜五臺山十寺僧正省奇已下獎諭勅書

勅清涼之峯仙聖所宅爰修淨供以慶誕辰再省恭勤不忘嘉歎

賜于闐國黑汗王進奉示諭勅書

勅卿恪居蕃守申遣使車來款塞垣恭修壤貢忠誠遠達褒歎良深

賜于闐國黑汗王進奉勅書

勅卿守土西極馳誠中華璧馬充庭尚識漢儀之舊

織皮在篚聊觀禹貢之餘載省忠勤不忘嘉歎

賜手闕國黑汗王男彼令帝英進奉勅書

勅汝世敷忠孝志慕聲明遠附奏函亦馳一頁篚載惟
恭順良極歎咨

示諭武泰軍官吏軍人僧道百姓等勅書

勅朕以苗授賦材勇嚴馭衆整暇擢為宿衛之長寵
以節旄之榮惟爾邦人當諭朕意

賜殿前都虞候寧州團練使知熙州劉舜卿
進奉賀冬馬勅書

勅劉舜卿職在分憂忠存衛上屬此泰正之日遠輸

冀產之良再省恭勤不忘嘉歎

賜西南蕃莫世忍等進奉勅書

勅莫世忍汝守土遐陬歸誠北闕梯山修貢款塞觀
光言念忠勤至於嘉歎

賜五臺山十寺僧正省可等獎諭勅書

勅異境靈光久聞示化寶相淨供爰慶誕彌念此恭
勤至於嘉歎

皇帝達太皇太后回大遼皇帝問候書

遣使為壽既欣鄰好之修因書見誠兼致慈闈之問
侍言有次未意畢陳感懌之深敷陳罔既

蘇文忠公集卷第一百一

蘇文忠公集卷第一百二

青詞

朱表齋文附

集禧觀洪福殿開啓祈雪道場青詞

維元祐元年歲次丙寅二月庚申朔六日乙丑 皇

帝遣入內侍省兩頭供奉官臣譚辰謹請道士三

七人於集禧觀洪福殿開啓祈雪道場謹啓元始

天尊太上道君太上老君混元上德皇帝伏以麥將

覆塊雪未掩塵嗣歲之憂下民安訴具嚴法會祗款

闕宮仰冀同雲溥滋新曦謹言

集禧觀開啓祈雪道場五月詞

維元祐二年歲次丁卯三月癸丑朔二十五日丁丑
皇帝遣入內侍省內侍高班太子正臣請道士三七
人於集禧觀洪福殿開啓祈雨道場上啓洞淵龍王
水府聖衆飢饉之患民流者暮年吁嗟之求詞窮於
是日乃眷陰靈之宅實為雲雨之司涵濡之功俄頃
而辨固吝天澤以答民瞻無任懇禱之至

西嶽廟開啓祈雨道場青詞

維元祐三年歲次戊辰某月某日某朔皇帝謹遣
入內侍省內東頭供奉官許日宣請道士七人於
西嶽開啓祈雨道場恭告于西嶽金天順聖帝伏以

二華之尊作鎮於西極兆人所急望歲於秋成穀既
日滋雨不時霈散以病告于我有神閔茲將槁之苗
賜以崇朝之澤惟神之德非我敢忘無任懇禱之至

諸宮觀等處祈雨青詞

維元祐二年歲次丁卯某月朔某日嗣天子臣名謹
遣某官某謹上啓元始天尊太上道君太上老君混
元上德皇帝飢饉之患民流者期年吁嗟之求詞窮
於是日仰惟至道之助推廣上天之仁召呼群龍時
賜霈澤罔以不德而廢其言無任懇禱之至

景靈宮宣光殿奉安 神宗御容開啓青詞

維年月朔日嗣天子臣某謹遣其官某請道士三七
人於景靈宮宣光殿開啓奉安 神宗皇帝御容道
場一月罷散日設醮一座一千二百分位謹上啓元
始天尊太上老君混元上德皇帝伏以天鑒不遠誠
感則通方寶構之肇新宜神游之降格具嚴法席高
詠靈篇內安清淨之居外錫烝黎之福云云

神宗御容進發前一日奏告諸宮觀青詞

維年月朔日嗣皇帝臣某謹遣其官某人謹上啓聖
祖上靈高道九天司命保生天尊大帝嵩洛之間山
陵所在嚴道釋之淨宇奉衣冠之別祠恭擇良辰啓
行仙馭敢徵福於群聖庶流祉於含生仰叩真靈冀
垂昭鑒云云

太皇太后等受冊奏告景靈宮諸處青詞

維年月朔日嗣天子臣某謹遣其官某人敢昭告于
某號皇帝伏以祗事親闈庶幾老幼治配德祖考既務
極於推崇篤生眇冲亦敢忘於褒顯將奉寶冊率循
舊章徵福于神先期以告云云

隆祐宮設慶宮醮青詞

維年月朔日嗣皇帝謹遣其官某人請道士二十七人
於隆祐宮設慶宮普天大醮一座三百六十分位謹

上啓其號皇帝伏以長樂告成光動紫宮之象清都
下照誠通絳闕之僊祗率多儀肅陳菲薦求惟慈孝
之本克享天人之心介萬壽之無疆錫五福之純備
云云

中太一宮真室殿開啓消

災集福道場青詞

維年月朔日嗣天子臣名謹遣某官某人請道士四
七人於太一宮真室殿開啓天皇九曜為太皇太后
消災集福道場一月每夜點周天星燈罷散日設普
天大醮一座上啓其號皇帝臣以冲眇嗣承列聖之
休濟于艱難實賴文母之德臨莅四載動勞百為畏

天之威未嘗終食而豫怠視民如子惟恐一夫之困
窮伏願上皇降祥衆真垂佑消穰災沴永底壽康
恭陳寶籙之科仰扣神游之館敢祈昭鑒下察孝心
無任懇禱之至

皇太妃宮閣慶宮閣開啓道場青詞

維年月朔日嗣天子臣名謹遣某官某人請道士二
七人於皇太妃宮閣設慶宮閣周天大醮一座謹上
啓其號皇帝伏以良辰報吉華構一新仰荷褒崇之
私得伸鞠育之報落成告備法會有嚴請命上穹馳
神真聖庶精誠之必達錫壽祉於無窮云云

鳳翔醮土火星青詞

嗚呼天之保佑下民罔不至所資以生罔不蕃育民
既不知德天亦維不勸乃朝夕戕一取以厚厥躬天既
不我咎乃不恭畏于神祇不脩勅厥心驕淫矜夸以
干上帝威命帝用不赦丕降罪疾于下則惟雨暘常
以訖我黍稷禾菽麻麥我民用蕩析隕越天亦終哀
矜其忍翦棄其命罔子遺今秦民既不獲于秋乃十
旬弗雨曰其尚克有夏走于山川鬼神亦罔不至既
不獲乃曰維熒惑鎮星次于井秦民其亦應受多罪
茲用即于齋宮為壇位以與百姓請命嗚呼其庶幾

能夕
哀之俾克有夏亦克藝厥秋民今其粟粟朝不謀作

徐州祈雨青詞

河失故道遺患及於東方徐居下流受害甲於他郡
田廬漂蕩父子流離飢寒頓仆於溝坑盜賊充盈於
犴獄人窮計迫理極詞危望二麥之一登救飢民於
垂死而天未悔禍歲仍大荒水未落而旱已成冬無
雪而春不雨煙塵蓬勃草木焦枯今者麥已過期獲
不償種禾未入土憂及明年臣等恭循舊章並走群
望意水旱之有數非鬼神之得專是用稽首告哀籲

天請命若其賦政多僻以謫見于陰陽事神不恭以
獲戾于上下臣實有罪罰其敢辭小民無知大命近
止願下雷霆之詔分畛山川之神朝濟寸雲莫洽十
里使歲得中熟則民猶小康

醜比嶽青詞

少年出仕本有志於救人晚節倦遊了無心於交物
惹冥多罪憂患再罹飄然流行靡所歸宿仰止高真
之馭降於喬嶽之陽稽首投誠齋心悔過庶一念之
清淨洗千劫之塵勞妙用無方先解纏身之網靈光
所燭幸逢出世之師誓此餘生永依至道

坤成節青詞三首

功存社稷慶鍾高密之門澤及本枝天旌太任之德
候西風之協律占南極之嘉祥特啓真壇仰祈睿筭
順帝之則固不待於禱求應地無疆亦難忘於祝頌
慈儉之化無得而名保佑之功云何可報仰首雲天
之表傾心草木之微至哉坤元德既超於載籍養以
天下福宜冠於古今敢冀神休永為民極
寶儉與慈地無私載履信思順天且弗違眷惟江海
之邦日蒙雨露之施民心所禱神必臨祝萬壽之
無疆庶群生之永賴

醮上帝青詞三首

臣聞報應如響大無妄降之災恐懼惟自修人有可延
之壽敢傾微懇仰瀆大鈞臣兩遇凶災皆由滿溢早
竊人間之美任多收天下之虛名以溫取三科叨臨八
郡少年多欲沉湎以自殘編性不容剛愎而好勝積
為咎厲邁此艱屯臣今稽首投誠洗心歸命誓除驕
慢永斷貪嗔幸不死於嶺南得退歸於林下少駐桑
榆之暮景庶幾松柏之後彫

切以洪覆至神固不期於報謝群生多故實有賴於
祈禳叨輸悃幅之私仰瀆高明之聽伏念某遭逢盛
際蒙被餘恩賦形宇宙之中殆將四紀竊稱祿江淮之
上幾及二年身雖曲盡於勤勞事豈舉無於過誤慮
愆尤之浸廣恐譴責之陰加粵自先朝當幸修於醮
事及茲歲暮輒謹按於科文祇建場壇肅陳香火伏
願上真保祐列聖扶持宦路亨通無謗傷之橫至私
門安燕絕灾釁之潛生福逮親闈慶延子舍代子駮
伏聞妙道淵微非塵凡之可測圓穹杳邈有誠信之
能通輒伸悃幅之私上瀆高明之聽切念臣叨司三
局從事六官勤勞更歷於歲終修省每恭於夙夜昨
於正旦嘗啓願心許大醮之祈禳乞靈庇之保護今

逢誕日恭按科文集道侶於壇場頂粹容於香火仰
回聖馭曲享清羞伏望上帝垂慈列聖降祐延偏親
之壽考茂合族之禧祥三考書成祈有_史代之慶百
神來相俾無災滯之虞臣無任代陸和知
朱表

集禧觀洪福殿罷散謝雨道場朱表

臣名言早曠為災禱求屢瀆賴神之賜_三濡澤以時蓋
至道之無私豈不德之能致載陳謝懇_少答靈休臣
無任精虔激切之至謹奉表奏告以聞

景靈宮宣光殿奉安神宗皇帝御容罷散

朱表

臣名言馭風雲闕既參日月_光頌節琳宮尚答臣
民之望爰開法會庶款真庭_觀推往聖之心永錫函
生之福臣無任

中太一宮真空殿為太皇太后消災集福

罷散天皇九曜道場朱表

臣名言仁者必壽信惟天地之心孝無不通宜從臣
子之欲虔遵道範仰叩真庭庶同海宇之誠上集慈
闡之福天威咫尺求聰明於我民聖壽萬年定子孫
于下地更推博施普及函生臣無任云云

齋文

冬至於福寧殿下作水陸道場資薦 神宗

皇帝齋文

維元祐元年歲次丙寅十一月乙卯朔七日辛酉

皇帝請僧三七人為冬至於福寧殿作水陸一會伏以聖神陟降釋梵後先適更來復之辰茂薦往生之福虔修淨供仰導靈游謹言

正旦於福寧殿作水陸道場資薦 神宗皇

帝齋文

維元祐元年歲次丙寅十二月乙酉朔二十九日癸

朱

皇帝請僧三七人為正旦節於福寧殿為資薦作水陸一會伏以弃黃屋以上賓莫追風馭抱鳥蹄而永慕再歷春朝敢仗勝緣式開淨供仰頌義堯之德永追梵釋之游謹言

在京諸宮觀開啓

神宗皇帝大祥道場齋文

伏以密音如胖新穀再升望仙馭於帝鄉陳法筵於淨宇人天來會共脩最勝之緣梵釋同游永錫無疆之慶謹言

垂拱殿開啓

神宗皇帝大祥道場齋文

伏以喪期有數方歎於壑舟法海無邊聊資於岸
棧有嚴秘殿恭啓淨筵時御六龍徘徊宮闕永同千
佛陟降人天謹言

內中福寧殿下寒節為

神宗皇帝作水陸道場齋文

維元佑二年歲次丁卯某月某日

皇帝遣入內內侍省內東頭供奉官暨元彥請僧三
十七人於福寧殿開啓資薦神宗皇帝道場三晝

夜伏以甚雨疾風感春律之將變鑽燧改火悼喪期
之不留爰啓淨筵以資宜福願登大覺永濟函生

景靈宮宣光殿奉安

神宗皇帝御容日開啓道場齋文

維元佑二年歲次丁卯某月某日

皇帝遣入內內侍省內東頭供奉官藍克寧請僧三
七人於宣光殿開啓資薦 神宗皇帝水陸道場
伏以祠宮夙啓真室告成仗勝會於佛僧導靈游於
梵釋更推餘祉旁及含生謹言

大相國寺開啓祈雨道場齋文

伏以早暵既久麥禾將空仰惟天人之師宜專雲雨之施庶幾慈愍寬我憂危謹言

諸宮觀寺院等處祈雨青祠齋文

饑饉之患民流者期年吁嗟之求詞窮於是日仰惟至道之助推廣上天之仁招呼群龍時賜霑澤罔以不德而廢其言

奏告天地社稷宗廟宮觀寺院等處祈雨雪齋文

伏以暮年以來水旱作沴迨茲徂歲復苦常暘疾疫將興農末俱病方齋居而默禱庶精意之登聞敢祈春臘之交沛然雨雪之賜願均介福敷錫群生

鄭州超化寺祈雨齋文

維元祐二年歲次丁卯某月某朔某日 皇帝遣入

內內侍省內東頭供奉官勾當後苑陳經請僧幾人於鄭州超化寺開啓祈雨道場伏以常暘為災歷時愈熾秋穀未藝夏苗將空天意未回佛慈所愍願以不思議智乃大解脫神通時興法雲普賜甘澤謹言

鄭州超化寺謝雨齋文

維元祐二年歲次丁卯某月某朔某日 皇帝遣入內內侍省內東頭供奉官勾當以苑陳經請僧幾人開啓謝雨道場等慈應物不倦於禱求神智無方何

難於膏澤旱沴既闡一作農民共康仰惟不宰之功豈待有為之報爰修淨供少達純誠謹言

集禧觀洪福殿等處罷散謝雨道場齋文

維元祐二年歲次丁卯四月壬午朔二十三日甲辰
皇帝遣入內內侍省內東頭供奉官暨元彥請僧三
七人於大相國寺開啓謝雨道場七晝夜德有愧於
動天敢辭屢請道無私而應物豈間微誠霈一雨以
咸周起三農於既病仰承靈靈以莫報深仁謹言

十月一日永裕陵下宮口開啓資薦 神宗皇

帝道場齋文

維元祐二年歲次丁卯九月庚戌朔二十日己巳

皇帝遣入內內侍省內東頭供奉官藍克寧請僧三
七人於永裕陵開啓資薦 神宗皇帝道場三晝夜
橋山永望莫瞻弓劍之遺陽月載臨徒增霜露之感
招延淨眾崇建梵筵庶集勝因仰資真馭謹言

西京會聖宮應天禪院奉安 神宗皇帝御

容禮畢開啓道場齋文

維元祐二年歲次丁卯十月己卯朔某日 皇帝遣
左藏庫使羅允和請僧三七人於會聖宮開啓奉安
神宗皇帝御容禮畢道場七晝夜原廟告成神游既

莫雖聖靈之無礙對越在天從世法之有為歸依於
佛普願幽明之域悉登淨妙之庭集此勝因以資仙
馭謹言

後苑瑤津亭開啓祈雨道場齋文

維元祐三年歲次戊辰六月丙子朔二日丁丑 皇
帝遣八內內侍省內東頭供奉官勾當後苑張鑄等
請僧三七人於後苑瑤津亭開啓祈雨道場六月徂
夏方金火之爭三農望秋之雷雨之施嗟人何罪逢
歲之艱自非妙覺之等慈敷拯疲氓於重困有嚴禁
苑祇建淨筵念我憂勞錫之膏澤非獨起焦枯於田

野抑將掃疾疫於里閭嘉與含生永均介福謹言

後苑瑤津亭開啓謝雨道場齋文

維元祐三年歲次戊辰六月丙子朔六日辛巳 皇
帝遣入內內侍省內東頭供奉官勾當後苑張鑄等
請僧三七人於後苑瑤津亭開啓謝雨道場七晝夜
伏以祗畏之心格人天於影響覺慈之力反水旱於
屈伸周澤載濡農田告足既解蘊隆之患庶無流潦
之虞仰冀能仁曲垂昭監謹言

奉宸庫翻修聖室等號庫了畢安慰土地道
場齋文

維元祐三年歲次戊辰七月乙巳朔二十九日癸酉
皇帝遣入內侍省內者不頭供奉官勾當奉宸庫張
易從等請僧二七人於奉宸庫安慰土地道場七日
伏以貨幣所藏有壞必甚耳聰直之鑒既成乃安爰仗
佛慈以綏神守庶期昭以裕永底純熙謹言

顯聖寺聖壽禪院開啓 太皇太后消災集

福粉壇道場齋文

維元祐三年歲次戊辰七月乙巳朔二十七日辛未
太皇太后遣入內侍省內東頭供奉官勾當御藥
院陳衍等請僧五十人就顯聖寺聖壽禪院大殿開

建消災集福粉壇道場七晝夜伏以躬儉節用本嚴
房闈之風遺大投艱撥當廟社之寄常恐德之弗類
以召災于厥身敢即仁祠肆陳淨供恭延梵釋普施
人天俾壽而康非獨輔安於寡昧與民同利固將撫
燕一作及於華夷仰冀能仁曲垂昭鑒謹言

後苑瑤津亭開啓祈雨道場齋文

維元祐三年歲次戊辰八月甲戌朔二十日癸巳
皇帝遣入內侍省內東頭供奉官勾當後苑張鐔
等請僧三七人於後苑瑤津亭開啓祈雨道場伏以
常暘之沴歷月于茲近自都畿遠及關輔豈獨西成

之害將為宿麥之憂仰止覺慈必垂至古救普集山川
之守來登梵釋之筵罔吝膏濡以興崔心槁謹言

景靈宮宣光殿開啓 神宗已心辰道場齋文

維元祐四年歲次己巳二月壬寅朔五日丙午皇
帝遣昭宣使和州刺史內侍省押班慈巨勾景靈宮趙
世長請僧三七人於景靈宮宣光殿開啓 神宗皇
帝忌辰道場一月罷散日設水陸一合冒伏以至德難
名已立配天之極孝思永慕蓋有終身之憂惟是佛
乘庶資冥福屬弓劍上賓之日就衣一冠出游之庭虔
設淨筵俾嚴勝果庶超真覺永庇含生謹言

正旦齋文

一本題作太皇太后本命歲功德疏文

天人合契輔成繼照之明歲月龍祥允協重坤之象
肇臨正旦寅奉德音盡海宇之無疆集緇黃而來會
旁推舜孝仰叩佛乘伏願 太皇太后陛下下順民
心仰膺天保配西方之無量與南山而不傾豈獨五
音六律之旋再臨此歲又推三統九會之復以下其
年永與函生共茲介福

蘇文忠公集卷第一百三

辭導引歌詞挽詞哀詞附

太白辭五首

岐下頻年大旱禱於太白山輒應故作迎送神詞
一篇五章

雷闐闐山晝晦風振野神將駕載雲罕後玉蚪旱既
甚暨往救道阻脩兮

旌旗翻疑有無日慘變神在塗飛赤篆訴閭闔走陰
傳行羽檄萬靈集兮

風為幄雲為蓋滿堂爛神既至紛醉飽錫以兩百川

溢施溝渠歌且舞兮

騎裔裔車班班鼓簫悲神欲還輶振凱隱林谷執妖
虜歸獻馘千里肅兮

神之來悵何晚山重複路幽遠神之去飄莫追德未
報民之思永萬祀兮

上清辭以宮名篇

君胡為乎山之幽顧宮殿兮久淹留又曷為一朝去
此而不顧兮悲此空山之人也來不可得而知兮去
固不可得而訊也君之來兮天門空從千騎兮駕飛
龍隸星辰兮役太歲儼晝降兮雷隆隆朝發軫兮帝

庭夕弭節兮山宮曠有妖兮虐下土精為星兮氣為
虹爰流血之滂沛兮又嗜瘡癘與螟蠱肅盲風而涕
淫雨兮時又吐旱火之熒赫銜帝命以下討兮建千
仞之脩鋒乘飛霆而追逸景兮歛若掃滅而無蹤忽
崩播其來會兮走海岳之神公龍車獸鬼不知其數
兮旗纛晡霽而冥蒙漸俯偃以旅進兮鏘劍佩之相
擊司殺生之必信兮知上帝之不汝容既約束以反
職兮退戰慄而愈恭澤充塞於四海兮獨淡然其無
功君之去兮天門開欵閭闔兮朝玉臺群僊迎兮塞
雲漢儼前導兮紛後陪歷玉階兮帝迎勞君良苦兮

馬虺隤閔人世兮迫隘陳下土兮帝所哀返瓊宮之
嗟峨兮役萬靈之喧逐默清靜以無為兮時節狩於
斗魁詣通明而獻黜陟兮軼蕩蕩其無回忽表裏之
煥霍兮光下燭於九陔時遊目以下覽兮五岳為豆
四溟為杯俯故宮之千柱兮若毫端之集埃來非以
為樂兮去非以為悲謂神君之既返兮曾顧咫尺之
不違陞秘殿以內悸兮魂凜凜而上馳忽寤寐以有
得兮敢沐浴而獻辭是邪非邪臣不可得而知也

歸來引送王子五歸筠州

歸去來兮世不我求胡不歸洵北望之橫流兮眇西

顧之塵霏紛野馬之決驟兮幸予首之未轍出彭城
而南騫兮眷丘隴而增歎亂清淮而俯鑒兮驚昔容
之是非念東坡之遺老兮輕千里而歎予靡坐共作
雪堂之清夜兮攬明月之餘輝曾鷄黍之未熟兮歎
空室之蚺蟻我挽袖而吳留兮僕夫在門歎式微歸
去來兮路渺渺其何極將稅駕於何許兮北江之南
南江之北於此有人兮儼峨峨其豐碩孰居約而爾
肥兮非糠覈其何食久犯一而不試兮愈温温而自
克吾居世之荒浪兮視昏昏而聽默默非之子莫振
吾過兮久不見恐自賊甘欲往而道無由兮子何畏

而不即將以彼為玉人子以子為之璞也

黃泥坂辭

出臨臯而東騫兮並蒸河而北轉走雪堂之坡陀兮
歷黃泥之長坂大江洶以左繚兮渺雲濤之舒卷草
木層累而右附兮蔚柯丘之葱蒨予旦往而夕還兮
步徙倚而盤桓雖信美不可居兮苟娛予於一眇予
幼好此竒服兮襲前人之詭幻老更變而自哂兮悟
驚俗之來患釋寶璐而被繒絮兮雜市人而無辨路
悠悠其莫往來兮守一席而窮年時游步而遠覽兮
路窮盡而旋返朝嬉黃泥之白雲兮莫宿雪堂之青

煙喜魚鳥之莫予驚兮幸樵蘇之我媿初被酒以行
歌兮忽放杖而醉偃草為茵而塊為枕兮穆華堂之
清晏紛隊露之濕衣兮升素月之團團感父老之呼
覺兮恐牛羊之予踐於是蹶然而起起而歌曰月明
兮星稀迎予往兮餞予歸歲既晏兮草木腓歸來歸
來兮黃泥不可以久嬉

清溪辭

大江南兮九華西泛秋浦兮亂清溪水渺渺兮山無
蹊路重複兮居者迷爛青紅兮繁高低松十里兮稻
千畦山無人兮雲朝躋藹藹兮滄淒淒嘯林谷兮

號水泥走騁馳兮下見醫鳥忽孤壘兮隱重堤杳冥茫
兮聞犬鷄蔚萬瓦兮鳥翼齊浮軒楹兮飛拱析鴈南
歸兮寒蛸嘶弄秋水兮挹玻璃朝市合兮雜耄覩挾
簞瓢兮佩鋤犁鳥獸散兮相扶携隱驚雷兮驚長霓
望翠微兮古招提掛木杪兮翔雲梯若有人兮悵幽
栖石為門兮雲為閨塊虛堂兮法喜妻呼猿狙兮子
鹿麋我欲往兮奉杖藜獨長嘯兮謝阮嵇

導引歌詞

奉安

神宗皇帝御容赴景靈宮導引歌詞

帝城父老三歲望堯心天遠玉樓深龍顏鬢髮

遠腸斷屬車音離宮春色鎖瑤林雲闕海沉沉遺民
猶唱當時曲秋鴈起汾陰

迎奉

神宗皇帝御容赴西京會聖宮應天

禪院奉安導引歌詞

經文緯武十有九年中遺烈震羗戎渭橋夾道千君
長猶是建元功西瞻温洛與神松蓮宇照瓊宮人間
俛仰成今古流澤自無窮

挽詞

神宗皇帝挽詞三首

文武固天縱欽明又日新化民何止聖妙物獨稱神

政已三王上言皆六籍醇魏魏本無象刻畫愧孤臣
未易名堯德何須數舜功小心仍致孝餘事及平戎
典禮從周舊官儀與漢隆誰知本無作千古自承風
接統真千歲膺圖期作止一章周南稍留滯宣室遂
淒涼病馬空嘶櫪枯葵已泣霜餘生卧江海歸夢泣
嵩却

太皇太后挽詞二首

至矣吾三后功高漢已還復推元祐冠蓋得永昭全
臣嘗於經筵論奏仁而不宗皇帝蓋曰明孝若明而不
仁則民畏而不愛仁而不明則民愛而不畏今大行
太皇太后亦無此一德天有作猶非聖無私乃是天
下思慕庶幾乎仁宗也

侍臣談要道家法信家傳

却狄安諸夏先王社稷臣固應祠百世何止活千人
定策天知我忘家帝念親萬方何以報得疾為勤民

十二月二十日恭聞

太皇太后升遐更以

某罪人不許成服欲哭則不敢欲泣則不可

故作挽詩二首

巍然開濟兩朝勳信矣才難十亂臣原廟固應祠百
世先王何止活千人和熹未聖猶貪位順烈明一作德雖
賢不及民月落風悲天雨泣誰將椽筆寫光塵
未報昭山一作陵國士知遠林松栢已漪漪一聲慟哭

猶無所萬死酬恩更有時
夢裏天衢隘雲仗人間雨
淚變形惟關雎卷耳平生事
白首纍臣正坐詩

陸龍圖詵挽詞

挺然直節庇峨岷謀道從來不計身
屬纊家無十金產過車巷哭六州
民塵埃葦寺三年別樽俎政陽一
夢新他日思賢見遺像不論宿草
更沾巾賢閣畫有認

像

胡完夫母周夫人挽詞

栢舟高節冠鄉鄰絳帳清風聳縉紳
豈似凡人但慈母能令孝子作忠臣
當年織履隨方進晚節稱觴見

伯仁回首悲涼便睡跡
凱風吹盡棘成薪

姚屯田挽詞

京口年來耆舊衰
向人淪喪路人悲
空聞韋叟一經在
不見恬侯萬石碑
貧病只知為善樂
逍遙却恨棄官遲
七年一別真如夢
猶記蕭然瘦鶴姿

孔長源挽詞二首

少年才氣冠當時
節孤風益自奇
君勝宜為夫子後
林宗不愧蔡邕
南荒尚記誅元惡
東越誰能事細兒
耆舊如今幾在為君無憾為時悲

小堰門頭柳繫船
下山堂上月侵筵
潮聲半夜千巖

響詩句明朝萬口使同聯
自越過杭天目遠隨雙鳳
落海門遙撼善豈番心日斜庚子後忽驚歲在巳辰年
潮趨一閉無窮事五
用望題詩淚洒殘
佳城一閉無窮事五

余主簿母挽詞

閨庭蘭玉照鄉閭
昔雖貧樂有餘豈獨家人在中
饋却因麟趾識關
此雲駢忽已歸仙府喬木依然擁
舊廬忍把還鄉千
此淚一時洒向老萊裾

張文裕挽詞

高才本出朝廷右
此事空推德業餘每見便聞曹植
向至今傳寶魏華
首濟南名士新彫喪劍外生祠已

潔除欲寄西風兩行淚依然喬木鄭公廬

同年王中甫挽詞

先帝親收十五人四方爭看擊鵬鷗如君才業真堪
用顧我衰遲不足論出處陞沉十年後死生契闊幾
人存他時京口尋遺迹宿草猶應有淚痕
仁宗朝賢
純惟富弼與舍弟在職

蘇潛聖挽詞

妙齡馳譽百夫雄晚節忘懷大隱中
悃悃無華真漢吏文章爾雅稱吾宗
趨時肯負平生志有子還應不死同
惟我閑思十年事數行老淚寄西風

任師中挽詞

大任剛烈世無有疾惡如風朱伯厚小任溫毅老更
文聰明慈愛小馮君兩任才行不須說疇昔並友吾
先人相看半作晨星沒可憐太白與殘月大任先去
家未乾小任相繼呼不還強寄一樽生死別樽中有
淚酒應酸貴賤賢愚同盡耳君家一作不墜盡一作緣
賢子人間得喪了無憑只有天公終可倚

鄧忠臣母周挽詞

微生真草木無處謝天力慈顏如春風不見桃李實
古今抱此恨有志俯仰失公子豈先知戰戰常惜日

吾君日月照委曲到肝膈哀哉人子心吾何愛一邑
家庭拜前後粲然發笑色豈比黃壤下焚瘞千金璧
若人道德人視此亦戲劇聊償曾閱意處與仙佛寂
孤纍卧江濱永望墳墓隔作詩相楚挽感慟淚再滴

徐君猷挽詞

一舸南游遂不歸青江赤壁照人悲請看行路無從
涕盡是當年不忍欺雪後獨來栽柳處竹間行復採
茶時山城散盡樽前客舊恨新愁只自知

孔毅甫妻挽詞

結襦記初歡同穴期晚歲擇夫得溫嶠生子勝王濟

高風相賓友古義仍兄弟從君吏隱中窮達初不計
云何抱沉疾俯仰便一世幽陰淒房櫳芳澤在中袂
百年縱得滿此路行亦逝那將有限身長瀉無益涕
君文照今古不比山石脆當觀十字誄寧用百金瘞

張庖民挽詞

東晉巾車令西京執戟郎甘心向山水結髮事文章
故自輕千戶何曾羨一囊才高鬼神惡骨朽姓名芳
庾嶺銘旌暗秦淮舊宅荒吾詩不用刻妙語有黃香

黃魯直
作哀詞

蘇子容母陳夫人挽詞

蘇陳甥舅真冰玉正始風流起頽俗夫人高節稱其
家凜凜寒松映脩竹鷄鳴為善日日新八十二年如
一晨豈惟家室宜壽母寔與朝廷生異人忘軀徇國
乃吾子三仕何曾知愠喜不煩擁笏強垂魚我視去
來皆夢耳誦詩相挽真區區墓碑千字多遺餘他年
太史取家傳知有班昭續漢書

故李承之待制挽詞

青青一寸松中有梁棟姿天驥墮地走萬里端可期
世無阿房宮可建五文旗又無穆天子西征燕瑤池
才大古難用老死亦其宜丈夫恐不免豈患莫已知

公如松與驥少小稱偉奇俯仰自廊廟笑談無恙夷
清朝竟不用白首仍憂時顧斬橫行將請烹乾沒兒
言雖不見省坐折奸雄窺嗟我去公久江湖生白髮
歸來耆舊盡零落存者誰比公絃中散龍性不可羈
疑公李北海慷慨多雄詞淒涼五君詠沉痛八哀詩
邪正久乃明人今屬公思九原不可作千古有餘悲

韓康公挽詞三首

故國非喬木興王有世臣嗟予後死者猶及老成人
德業經文武風流表縉紳空餘行樂地處處泣遺民
再世忠清德三朝翼贊勲功成不歸國就訪敢忘君

舊學嚴詩律餘威靖塞氛何當繼韓奕故吏搃能文
西第開東閤初筵點後塵空二歌邀白髮燈火樂青春
扶路三更罷回頭一夢新時詩猶墨濕把卷獨沾巾

王鄭州挽詞

羨君華髮起琳宮右輔初深心鼓角雄千里農桑歌子
產一時冠蓋慕蕭嵩那知取瓜散春糧外便有悲懼過
隙中京兆同僚幾人在猶思心對案筆生風幕與子彌謝

同

潘推官母李氏挽詞

南浦淒涼老逐臣東坡還仕盡幽人杯盤慣作陶家

客絃誦常叨孟母隣尚有升堂他日約豈知負土一
阡新今年我欲江湖去莫雨連山宰樹春

呂大臨挽詞

言中謀猷行中經關西人物數清英欲過叔度留終
日未見魯山空此生議論凋零三益友功名分付二
難兄老來尚有憂時歎此涕無從何處傾

文玉學士挽詞

才名誰似廣文寒月斧雲斤斷肺肝玄晏一生都卧
病子雲三世不遷官幽蘭空一覺香風在宿草何曾淚
葉乾猶喜諸郎有曹志文音下還復富波瀾

滕達道挽詞二首

先帝知公早虛懷第一人至今詩禮將惟數武宣臣
材大雖難用時來亦少伸高平北烈仁威敏典刑新
紘妙綴初於荒空試乘邊策寧田相嘆身淒涼舊部
曲淚濕冢前麟

雲夢連江雨樊山落木秋公方占賈鵬我正買龍牛
共有江湖興一作俱懷吟畝憂荆溪欲歸老淨玉偶
同游翫麟儀刑在驚呼歲月道回頭在歌哭挽語不
成謳

哀辭

王中甫哀辭

仁宗朝以制策登科者十五人其天官尚時尚有富
彥國張安道錢子飛吳長文夏公肅陳令舉錢醇
老王中甫并某與家弟轍九人存世其後十有五
年哭中甫於密州作詩乎之則子飛長文令舉沒
矣又八年某自黃量移汝海與中甫之子沆之相
遇於京口相持而泣則十五人者獨三人存耳蓋
安道及某與家弟而已嗚呼悲夫乃復次前韻以
遺沆之時沆之亦以罪謫家于錢塘云
生芻不獨比前人宋某宗端能廢謝鯤不達想無身後

念吾衰不復夢中論已知毅
孰存堪笑東坡癡鈍老區區

李憲仲哀辭

豹為均死未識荆凡寒
猶記刻舟痕

同年友李君諱博字憲仲
不及與之游也而識其子
予於南京泣曰吾祖母邊
皆未葬貧不敢以飢寒為
目矣適會故人梁先言老
十匹絲白兩為贖辭之不
入之餽也既又作詩以告

賢而有文不幸早世某
為有年矣薦為自陽養見
母馬前母張與君之喪
戚顧四喪未舉死不瞑
聞予當歸耕陽羨以綃
可乃以遺薦曰此亦仁
知君與薦者庶幾皆有

以助之薦年二十五其文窮者哉

大夢行當覺百年特未滿
念我同年生意長日月短
後生有奇骨出語已精悍
有生寓大塊死者誰不歎
推衣助孝子一漑滋湯草

李仲蒙哀辭

河南李君仲蒙以司封直史館為記室岐王府
熈寧二年七月丙戌終於京師家貧喪不時舉其

僚相與賻之既歛而歸十月丙申葬於維氏相岵
山西其孤顛使來告某曰嗚呼吾先君友人也哭
之其可無辭昔吾先君始仕於太常君以博士朝
夕往來相好先君於人少所與獨稱君為長者君
為人敦朴愷悌學博而通長於毛氏詩司馬氏史
善與人交雖見犯不報嘗有與君為姻者無故決
去聞者為之不平君恬不以為意先君以是稱其
難始舉進士甲科為亳州邠三郡職官後為應天
府錄曹勤力趨事長吏有不喜者欲以事困之而
不能既為博士議禮據正不屈晚入歧府以經術

輔道焉實不阿其言多驗於後君諱育其先河內人自高祖徙於維氏沒時年五十辭曰中心樂易氣淋均兮內外純一言可信兮無怨無惡善友人兮學詩達禮敏而文兮翱翔王藩仕弗振兮宜壽黃者墮中身兮兩不一獲歸怨神兮我懷先君涕酸辛兮顧嗟衆人誕失真兮矯矯榮榮自貴珍兮欺世幻俗內弗安兮久而不堪厭則道兮感者不解明者哂兮嗟卒不悟惟彼賢兮渾朴簡易棄弗申兮往者不還我思君兮

錢君倚哀辭

大江之南兮震澤之北吾行四方而無歸兮逝將此焉止息豈其土之不足食兮將其人之難偶非有食無入之為病兮吾何適而不可獨徘徊而不去兮眷此邦之多君子有美一人兮瞭然而清頽然而瘦亮直多聞兮古之益友帶規矩而蹈繩墨兮佩芝蘭而眼明月載而之世之人兮世益悍堅而不荅雖不荅其何傷兮超彷徨而自得吾將觀子之進退以自卜兮相行止以效清濁子奄忽而不返兮世混混吾焉則升空堂而挹遺像兮予疑壘於几席苟律我者之言亡兮吾居此其何益行徬徨而無徒兮悼捨此而

奚嚮豈存者之舉無其人兮遼遼如晨星之相望吾
比年而三哭兮堂堂皆國之英苟處世之侍友兮幾
如是而吾不亡臨大江而長歎兮吾不濟其有命

蘇世美哀辭

有美一人長而髯兮歛敬靡落進趨禧兮達於從政
敏而廉兮如求與由執果無兮魁然丈夫色悍嚴兮
奮鬚抵几走群纖兮聞名見像已厲痞兮敬事友生
小心謙兮誨養貧弱語和甜兮剛柔適中畏愛兼兮
孤直無依衆枉嫌兮何辜於神壽復殲兮死無甌石
突不黔兮孰為故人孰視怙兮我竄于黃歲將淹兮

于後八年夢復覘兮吾子鈞甘藟鹽兮冬月負薪
衣不縑兮覺而長吁沙流沾兮永言吾鈞守窮潛兮
苦心危腸自磨礪兮天不吾欺有速淹兮豈若人子
老閭閻兮生歡死忘我言於兮

年哀辭

嘉祐末予從事歧下而太原土君諱彭字大年監
府諸軍居相隣日相從也時太守陳公弼馭下嚴
甚威震傍郡郡寮不敢仰視君獨侃侃自若未嘗
降色辭公弼亦敬焉予始異之問於知君者皆曰
此故武寧軍節度使諱全斌之曾孫而武勝軍節

度觀察留後諱凱之子也少時從父討賊甘陵搏
戰城下所部斬七十餘級手射殺二人奏功不實
或勸君自言君笑曰吾為君父戰豈為賞哉予聞
而賢之始與論文君博學精練書無所不通尤喜
予文每為出一篇輒拊掌而歎欣然終日子始未
知佛法君為言大略皆推見至隱以目證耳使人
不疑予之喜佛書蓋自君發之其後君為將日有
聞乞自試於邊而韓魏公文潞公皆以為可用先
帝方欲盡其才而君以病卒其子謙以文學論議
有聞於世亦從予游予既悲君之不遇而喜其有

子於其葬也作相挽之辭以餞之其辭曰
君之為將允武且仁甚似其父而輔以文君之為士
涵泳書詩論議慨然其子似之奔走四方豪傑是友
沒而無聞朋友之咎驥墮地走虎生而斑視其父子
以考我言

鍾子翼哀辭

某年始十二先君官師歸自江南曰吾南游至虔
有隱君子鍾君與其弟小槩從吾游同登馬祖巖入
天竺寺觀樂天墨迹五不飲酒鍾君常置醴焉方
是時先君未為時所知知旅游萬里舍者常爭席而

君獨知敬異之其後五十有五年某自海南還過
贛上訪先君遺迹而故老皆無在者君之沒蓋三
十有一年矣見其子志仁志行志遠相持而泣念
無以致其哀者乃追作此辭君諱棊字子翼博學
篤行為江南之秀歐陽永叔尹師魯余安道曾子
固皆知之然卒不遇以沒儂智高叛嶺南聲搖江
西虔守曹觀欲籍民財為戰守備謀之於君君曰
智高必不能過嶺無事而籍民民懼且走觀曰如
緩急何曰同舟遇風胡越可使為左右手况吾民
乎不幸而至於急則官與民為一家夫孰非吾財

者何以籍為觀悟而止虔人以安其辭曰
空峒摩天章貢激石致一兩確高深相臨悍堅相排洶
嶽嶽是故其民勇而尚武巧讐斲而其君子抗志厲
節敏於學矯矯鍾君冰一丁德淵自澡濯資不怨天因
不求入老愈慈嘉言一以收排難解紛已殘剝吾先君
子南游萬里道阻邈如金未鎔木未繩墨玉未琢君
於衆中一見定交陳禮如樂曰子不飲我醪甚甘釀此
濁覽觀江山扣歷泉石止以筆確先君北歸君老于虔
望南朔我來易世池臺以平墓木幄三子有立移書
問道過我數我亦白首必憇傷薰心殞涕渥是身空虛

俯仰變滅過電電何以宙內哀追頌德人詔後覺

傷春哀辭

去歲十二月虞部郎口君文肅喪其妻安氏二月
以書遺予曰安氏甚老天而有賢行念之不忘思有
以為不朽之託者願七小一言以弔之予悲其意乃
為作傷春辭云

佳人與歲皆逝兮歲既徂而不返付新春於居者兮
獨安適而愈遠晝昏昏甘不如醉兮夜耿耿而不眠居
兀兀不自覺兮紛過前之物變雪霜盡而鳥鳴兮陂
塘涸其流暖步荒園而紅似遺迹兮菊百草之生滿風

泛泛而微度兮日遲遲而愈妍渺飛絮之無窮兮爛
夭桃之欲然燕曉曉而稚嬌兮鳩穀穀其老怨蝶群
飛而相值兮蜂抱蕊而更謹善薰物之得時兮痛伊
人之罹此寬衆族出而侶游兮獨向壁而永歎淚熒
熒而棲睫兮花搖目而增眩晝出門而不敢歸兮畏
空室之漫漫忽入門而欲語兮嗟猶意其尚存後魂
魄於宵夢兮追髮鬢而無緣訪臨印之道士兮從稠
桑之老人縱可得而復見兮恐慙惚而非真求予文
以寫哀兮予亦愴悵而不能言去人既其身之不顧兮
尚安用於斯文

蘇文忠公集卷第一自三



